

**Udruženje "ORIGINAL" za zaštitu i ostvarivanje
reprodukcijских prava, Sarajevo**

Godišnji finansijski izvještaji
sa Mišljenjem revizora za godinu 2020

Sarajevo, maj 2021

SADRŽAJ

Izjava o odgovornosti	3
Izveštaj nezavisnog revizora	4
Bilans uspjeha	8
Bilans stanja	9
Bilješke uz finansijske izvještaje.....	10–23

Izjava o odgovornosti

Uprava je odgovorna da osigura da su finansijski izvještaji Udruženja „ORIGINAL“ za ostvarivanje i zaštitu reproduksijskih prava Sarajevo pripremljeni za 2020. godinu, u skladu sa Međunarodnim standardima finansijskog izvještavanja za male i srednje subjekte (MSFI za MSS) koji se primjenjuju u Federaciji BiH i važećim Zakonom o računovodstvu i reviziji i Federaciji Bosne i Hercegovine, a pružaju istinit i fer pregled stanja u Udruženju, kao i njegove rezultate poslovanja za navedeno razdoblje.

Nakon provedbe odgovarajućeg istraživanja, Uprava opravdano očekuje da će Udruženje u dogledno vrijeme raspolagati odgovarajućim resursima, te stoga i dalje usvaja načelo vremenske neograničenosti poslovanja pri sastavljanju finansijskih izvještaja.

Pri izradi finansijskih izvještaja, odgovornosti Uprave obuhvataju sljedeće:

- odabir i dosljednu primjenu odgovarajućih računovodstvenih politika;
- davanje opravdanih i razboritih prosudbi i procjena;
- postupanje u skladu s važećim računovodstvenim standardima, uz objavu i obrazloženje svih materijalno značajnih odstupanja u finansijskim izvještajima; i
- sastavljanje finansijskih izvještaja pod pretpostavkom vremenske neograničenosti poslovanja, osim ako pretpostavka da će udruženje nastaviti poslovanje nije primjerena.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj Udruženja. Pored toga, Uprava je odgovorna za čuvanje imovine Udruženja, te za poduzimanje opravdanih koraka za sprječavanje i otkrivanje prijevare i drugih nepravilnosti.

U ime Uprave

Goran Simić, predsjednik Uprave

Udruženje "ORIGINAL" za ostvarivanje i zaštitu reproduksijskih prava Sarajevo
Trampina 4,
Bosna i Hercegovina
4.05.2021. godine

IZVJEŠTAJ NEZAVISNOG REVIZORA

Upravnom odboru, Skupštini

Udruženja "ORIGINAL" za zaštitu i ostvarivanje reprodukcijских prava Sarajevo

Mišljenje

Obavili smo reviziju finansijskih izvještaja Udruženja "ORIGINAL" za ostvarivanje i zaštitu reprodukcijских prava Sarajevo (Udruženje), koji obuhvaćaju bilans stanja na dan 31. decembar 2020., i bilans uspjeha, za tada završenu godinu te bilješke uz finansijske izvještaje, uključujući i sažetak značajnih računovodstvenih politika.

Prema našem mišljenju, priloženi finansijski izvještaji istinito i fer prikazuju finansijski položaj Udruženja na dan 31. decembra 2020 u skladu s Međunarodnim standardima finansijskog izvještavanja za male i srednje subjekte (MSFI za MSP).

Osnova za mišljenje

Obavili smo našu reviziju u skladu s Međunarodnim revizijskim standardima (MRevS-ima). Naše odgovornosti prema tim standardima su detaljnije opisane u našem izvještaju u odjeljku o revizorovim odgovornostima za reviziju finansijskih izvještaja. Neovisni smo od Udruženja u skladu s Kodeksom etike za profesionalne računovođe Odbora za međunarodne standarde etike za računovođe (IESBA Kodeksom) kao i u skladu s etičkim zahtjevima koji su relevantni za našu reviziju finansijskih izvještaja u Bosni i Hercegovini i ispunili smo naše ostale etičke odgovornosti u skladu s tim zahtjevima i IESBA Kodeksom. Vjerujemo da su revizijski dokazi koje smo dobili dostatni i primjereni da osiguraju osnovu za naše mišljenje s rezervom.

Isticanje pitanja

Bez kvalifikacije našeg Mišljenja skrećemo pažnju na Bilješku 1 – Prihodi od vlastite aktivnosti. Kao što je objašnjeno u bilješci, Udruženje je postupilo na osnovu preporuka Instituta za intelektualno vlasništvo Bosne i Hercegovine (Institut) iznešenih u Zapisniku o izvršenom nadzoru nad radom Udruženja za zaštitu reprodukcijских prava "ORIGINAL" za 2019.godinu od 24.09.2020.godine, i cjelokupne odložene prihode i za prethodne dvije godine prikupljanja naknada u svoje ime, a za račun autora i izdavača, evidentiralo u prihode od vlastite aktivnosti u 2020.godini (195.688 KM bez PDV-a). Cjelokupno fakturisane prihode za 2020.godinu (79.233 KM bez PDV-a) Udruženje je također, prema istom principu, vodeći se preporukom Instituta, evidentiralo u prihode. Rezultat takvih knjiženja u 2020.godini je iskazivanje viška prihoda u trajnim izvorima na kraju 2020.godine u iznosu od 198.334 KM.

Smatramo da Udruženje kao kolektivna organizacija osnovana prema Zakonu o kolektivnom ostvarivanju autorskog i srodnih prava u BiH (Službeni glasnik Bosne i Hercegovine br. 63/2010), prikuplja naknade u svoje ima, a za račun autora i izdavača, te da dio koji pripada autorima i izdavačima treba biti obaveza prema istim (kratkoročno razgraničenje). Posljedično tome, Udruženje ne bi imalo viškove prihoda nad rashodima u trajnim izvorima.

Dalje, a vezano za iskazivanje prihoda, prema članu 7, stav 1, tačka 4, Pravilnika o načinu i formi ispunjavanja uslova za davanje dozvole pravnim licima za obavljanje poslova kolektivnog ostvarivanja autorskih i srodnih prava (Službeni glasnik Bosne i Hercegovine br. 44/2011) Instituta, kao i prema međunarodnim pravilima, prihvatljivi troškovi poslovanja Udruženja ne bi trebali prelaziti 30% od ukupnih prihoda. Kada uzmemo u obzir, da je Udruženje na početku poslovanja još uvijek, te da se svijest obaveznosti plaćanja naknada korisnika još uvijek nije izgradila, a pri tome i pandemija COVID 19 je zahvatila 2020.godinu, troškovi Udruženja i dalje premašuju procenat od 30% ukupnih prihoda (zbog nedovoljnih prihoda, a fixnih troškova). Udruženje treba posebno utvrditi koji je to iznos troškova prihvatljiv da bude pokriven iz ukupnih prihoda svake godine ili generalno, te da taj dio (fakturisane naknade) bude i prihod od vlastite aktivnosti. Svi viškovi troškova svake godine idu u višak rashoda nad prihodima i na teret trajnih izvora Udruženja.

Kao rezultat takvog stava Udruženja, na obavezama Udruženja će uvijek biti prikazani samo iznosi koje je stvarno Udruženje dužno da isplati autorima i izdavačima. Obaveze će se smanjivati isplata, i povećavati svake godine za dio koji Skupština na kraju godine odredi da se isplaćuje. Prema Odlukama Skupštine Udruženja od 20.12.2019. i 19.06.2020. godine (izmjene), ukupni iznos za raspodjelu (prikupljene naknade 2018 i 2019.godine) u 2020. godini je 60.000 KM. Udruženje je tokom 2020.godine isplatilo samo manji iznos (16.392,44 KM), jer se nisu svi autori i izdavači odazvali pozivu dostave podataka. Novac za preostale autore i izdavače je rezervisan na transakcijskom računu Udruženja i vidno odvojen u Novcu i novčanim ekvivalentima bilansa. Isti je trebao biti na obavezi ka autorima, a ne prihod, ukoliko bi prihvatili gore izloženu procedure prikazivanja prihoda i obaveza.

Bez kvalifikacije našeg Mišljenja skrećemo pažnju na Bilješku 15 - Događaji nakon datuma finansijskih izvještaja i uticaj izbivanja pandemije COVID 19 na finansijske izvještaje. Prema mišljenju Uprave, primjena principa nastavka poslovanja je opravdana na datum finansijskih izvještaja, a procjene kreditnog rejtinga kupaca, odstupanja od ugovorenih zahtjeva sa kupcima i dobavljačima, te projektovana sposobnost generiranja novčanih tokova ne dovode do ispravki stavki objavljenih u ovim finansijskim izvještajima.

Ostala pitanja

Finansijske izvještaje Udruženja za godinu završenu 31.12.2019. godine revidirao je drugi revizor koji je izrazio pozitivno mišljenje o tim finansijskim izvještajima 20.04.2020. godine.

Odgovornosti menadžmenta i onih koji su zaduženi za upravljanje za finansijske izvještaje

Menadžment je odgovoran za sastavljanje i fer prezentaciju finansijskih izvještaja u skladu s MSFI-ima za MSP i za one interne kontrole za koje menadžment odredi da su potrebne za omogućavanje sastavljanja finansijskih izvještaja koji su bez značajnog pogrešnog prikaza uslijed prijave ili pogreške.

U sastavljanju finansijskih izvještaja, menadžment je odgovoran za procjenjivanje sposobnosti Udruženja da nastavi s poslovanjem po vremenski neograničenom poslovanju, objavljivanje, ako je primjenjivo, pitanja povezanih s vremenski neograničenim poslovanjem i korištenjem računovodstvene osnove utemeljene na vremenskoj neograničenosti poslovanja, osim ako menadžment ili namjerava likvidirati Udruženje ili prekinuti poslovanje ili nema realne alternative nego da to učini.

Oni koji su zaduženi za upravljanje su odgovorni za nadziranje procesa finansijskog izvještavanja kojeg je ustanovilo Udruženje.

Revizorove odgovornosti za reviziju finansijskih izvještaja

Naši ciljevi su steći razumno uvjerenje o tome jesu li finansijski izvještaji kao cjelina bez značajnog pogrešnog prikaza uslijed prijevare ili pogreške i izdati revizorski izvještaj koje uključuje naše mišljenje. Razumno uvjerenje je viša razina uvjerenja, ali nije garancija da će revizija obavljena u skladu s MRevS-ima uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prijevare ili pogreške i smatraju se značajni ako se razumno može očekivati da, pojedinačno ili u zbroju, utječu na ekonomske odluke korisnika donijete na osnovi tih finansijskih izvještaja.

Kao sastavni dio revizije u skladu s MRevS-ima, stvaramo profesionalne prosudbe i održavamo profesionalni skepticizam tokom revizije. Mi također:

- prepoznavamo i procjenjujemo rizike značajnog pogrešnog prikaza finansijskih izvještaja, zbog prijevare ili pogreške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dostatni i primjereni da osiguraju osnovu za naše mišljenje. Rizik neotkrivanja značajnog pogrešnog prikaza nastalog uslijed prijevare je veći od rizika nastalog uslijed pogreške, jer prijevara može uključiti tajne sporazume, krivotvorenje, namjerno ispuštanje, pogrešno prikazivanje ili zaobilaženje internih kontrola.
- stječemo razumijevanje internih kontrola relevantnih za reviziju kako bismo oblikovali revizijske postupke koji su primjereni u danim okolnostima, ali ne i za svrhu izražavanja mišljenja o učinkovitosti internih kontrola Udruženja.
- ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorio menadžment.
- zaključujemo o primjerenosti menadžmentovog korištenja računovodstvene osnove utemeljene na vremenskoj neograničenosti poslovanja i, temeljeno na pribavljenim revizijskim dokazima, zaključujemo o tome postoji li značajna neizvjesnost u vezi s događajima ili okolnostima koji mogu stvarati značajnu sumnju u sposobnost Udruženja da nastavi s poslovanjem po vremenski neograničenom poslovanju. Ako zaključimo da postoji značajna neizvjesnost, od nas se zahtijeva da skrenemo pozornost u našem revizorovu izvješću na povezane objave u finansijskim izvještajima ili, ako takve objave nisu odgovarajuće, da modificiramo naše mišljenje. Naši zaključci se temelje na revizijskim dokazima pribavljenim sve do datuma našeg revizorova izvješća. Međutim, budući događaji ili uvjeti mogu uzrokovati da Udruženje prekine s nastavljanjem poslovanja po vremenski neograničenom poslovanju.
- ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

Mi komuniciramo s onima koji su zaduženi za upravljanje u vezi s, između ostalih pitanja, planiranom djelokrugom i vremenskom rasporedu revizije i važnim revizijskim nalazima, uključujući i u vezi sa značajnim nedostacima u internim kontrolama koji su otkriveni tijekom naše revizije.

Mi također dajemo izjavu onima koji su zaduženi za upravljanje da smo postupili u skladu s relevantnim etičkim zahtjevima u vezi s neovisnošću i da ćemo komunicirati s njima o svim odnosima i drugim pitanjima za koja se može razumno smatrati da utječu na našu neovisnost, kao i, gdje je primjenjivo, o povezanim zaštitama.

Između pitanja o kojima se komunicira s onima koji su zaduženi za upravljanje, mi određujemo ona pitanja koja su od najveće važnosti u reviziji finansijskih izvještaj tekućeg razdoblja i stoga su ključna revizijska pitanja. Mi opisujemo ta pitanja u našem revizorovu izvješću, osim ako zakon ili regulativa sprječava javno objavljivanje pitanja ili kada odlučimo, u iznimno rijetkim okolnostima,

da pitanje ne treba priopćiti u našem izvješću jer se razumno može očekivati da bi negativne posljedice priopćavanja nadmašile dobrobiti javnog interesa od takvog priopćavanja.

Angažirani partner u reviziji koja ima za posljedicu ovaj izvještaj neovisnog revizora je Sanita Tabaković.

Radius d.o.o. Zenica
Adolfa Goldbergera 9, Zenica
Bosna i Hercegovina

Sanita Tabaković, ovlašteni revizor

Sarajevo, 4.05.2021.



Nadan Duranović, direktor

BILANS USPJEHA
ZA PERIOD 01.01.2020. – 31.12.2020. GODINE

Rb	Pozicija	Bilješka	2019.	2020.
	PRIHODI			
1.	Članarina		0	0
2.	Prihodi iz budžeta		0	0
3.	Humanitarni prihodi		0	0
4.	Prihodi od vlastite aktivnosti	1	0	274.921
5.	Ostali prihodi	2	3.070	600
6.	Svega prihodi (1 do 5)		3.070	275.521
	RASHODI			
7.	Materijal i energija		2.136	741
8.	Usluge		27.316	20.499
9.	Plaće i ostala primanja zaposlenih		31.388	32.858
10.	Amortizacija		1.497	1.366
11.	Finansijski rashodi		5	2.386
12.	Putni troškovi		2.700	1.594
13.	Humanitarni rashodi		0	0
14.	Porezi i doprinosi koji ne zavise od rezultata		351	336
15.	Ostali rashodi		6.439	17.407
16.	Svega rashodi (7 do 15)	3	71.832	77.187
	REZULTAT			
17.	Višak prihoda (6-16)	4	0	198.334
18.	Višak rashoda (16-6)		68.762	0

Računovodstvene politike i zabilješke na stranama od 10 do 23 čine sastavni dio ovih finansijskih izvještaja

BILANS STANJA
NA DAN 31.12. 2020. GODINE

Rb	Pozicija	Bilješka	31.12.2019.	31.12.2020.
	AKTIVA			
	OSNOVNA SREDSTVA			
1.	Nekretnine, postrojenja i oprema	5	3.778	2.431
2.	Nematerijalna sredstva	5	0	2.072
3.	Dugoročni plasmani i potraživanja		0	0
4.	Biološka imovina		0	0
5.	Ulaganja u nekretnine		0	0
6.	Osnovna imovina namjenjena prodaji		0	0
7.	Dugoročna razgraničenja		0	0
8.	Ukupno osnova sredstva (1 do 7)		3.778	4.503
	KRATKOTRAJNA IMOVINA			
9.	Novac i novčani ekvivalenti	6	102.845	87.208
10.	Kratkoročni plasmani i potraživanja	7	5.066	14.140
11.	Zalihe		0	0
12.	Ulazni porez	8	39	17
13.	Kratkoročna razgraničenja		0	0
14.	Ukupno kratkotrajna imovina (9 do 13)		107.950	101.365
	UKUPNO AKTIVA (8+14)		111.728	105.868
	PASIVA			
	TRAJNI IZVORI			
15.	Neraspoređen višak prihoda		0	32.742
16.	Neraspoređen višak rashoda		165.592	0
17.	Ukupno trajni izvori (15-16)	9	(165.592)	32.742
	DUGOROČNE OBAVEZE			
18.	Dugoročne finansijske obaveze	10	78.500	68.500
	KRATKOROČNE OBAVEZE			
19.	Kratkoročne obaveze	11	2.796	2.744
20.	Obaveze za PDV	12	336	1.882
21.	Kratkoročna razgraničenja i rezervisanja	13	195.688	0
22.	Ukupno kratkoročne obaveze (19 do 21)		198.820	4.626
	UKUPNO PASIVA (17+18+22)		111.728	105.868

Računovodstvene politike i zabilješke na stranama od 10 do 23 čine sastavni dio ovih
finansijskih izvještaja

A) Bilješke uz finansijske izvještaje

1. Opći podaci

Udruženje « ORIGINAL » za zaštitu i ostvarivanje reprodukcijских prava (Udruženje) je kolektivna organizacija za ostvarivanje prava na privatnu i drugu vlastitu upotrebu autorskih pisanih djela. U okviru obaveznog kolektivnog ostvarivanja, zastupa autore i izdavače pisanih djela u pogledu imovinskih prava na naknadu od fotokopiranja djela za privatnu i drugu vlastitu upotrebu i naknadu od uvoza uređaja za fotokopiranje.

Udruženje okuplja autore/ice pisanih djela i izdavače. Udruženje je kolektivna organizacija koja obavlja djelatnost kolektivnog ostvarivanja autorskog prava u svoje ime, a za račun autora.

Udruženje je osnovano Rješenjem Ministarstva pravde Bosne i Hercegovine od 01.09.2016.godine pod registarskim brojem RU-1908 Knjiga I Registra i sa adresom sjedišta Pijačna br 94.

Udruženje je izvršilo promjenu sjedišta Udruženja na novu adresu Trampina broj 4, rješenjem Ministarstva od 19.01.2018.godine.

Skraćeni naziv je Udruženje « ORIGINAL ».

Udruženje je registrovano kod Porezne uprave FBiH pod identifikacijskim brojem 4202290800001, a kod Uprave za indirektno oporezivanje pod brojem 202290800001.

U skladu sa dozvolom Instituta za intelektualno vlasništvo BiH, Udruženje obavlja poslove kolektivnog ostvarivanja prava autora pisanih djela izdatih u štampanoj formi i srodnog prava izdavača štampanih izdanja, na privatnu i drugu vlastitu upotrebu (Rješenje 03-47-5-193-9/17VT od 6. 11. 2017.godine).

Udruženje je počelo s prikupljanjem naknade od 01.01.2018.godine., a nakon dozvole Instituta kada su se stekli svi uslovi.

Osnivači Udruženja prema Odluci o osnivanju jesu :

1. Ivica Rorić iz Sarajeva,
2. Damir Uzunović iz Sarajeva i
3. Goran Simić iz Sarajeva.

Članom Udruženja se postaje ispunjavanjem i dostavljanjem pristupnice u Udruženje. Članovi udruženja čine Skupštinu Udruženja i nemaju pravo prvenstva u isplati naknada.

Ukupan broj članova Udruženja po pristupnicama je: 61 (21 pravna lica; 40 fizička lica). Ukupan broj, zaključno sa 8.9.2020.godine, a prema zadnjoj evidenciji članstva pravnih lica (članovi članova Udruženja, koje ukupno Udruženje zastupa) je 368 (podaci se stalno mjenjaju, a Udruženje ih ažurira po obavještenju članova-pravnih lica).

Udruženje je članica Međunarodne organizacije za zaštitu reprodukcijских prava (IFFRO – International Federation of Reproduction Rights Organization) kojoj se godišnje plaća članarina.

Broj uposlenika na dan 31.12.2020. godine je 1 (2019 : 1 zaposlenik) i isti predstavlja Stručnu službu Udruženja.

Lice ovlašteno za zastupanje na kraju 2020. godine je predsjednik Udruženja – Goran Simić.

Udruženje pored Skupštine, ima Upravni odbor, Nadzorni odbor, i Stručnu službu.

U nastavku je dat pregled članova sa promjenama tokom 2020.godine.

Skupština 31.12.2020.	Skupština do 2020
Predsjednik Budislav Vojinović	Predsjednica Lejla Alić
Upravni odbor 31.12.2020.	Upravni Odbor do 2020
Damir Uzunović, Naida Vidović, Predrag Bjelošević, Lejla Alić i Goran Samardžić,	Damir Uzunović, Naida Vidović, Predrag Bjelošević, Goran Samardžić i Nenad Novaković
Nadzorni odbor 31.12.2020.	Nadzorni Odbor do 2020
Ivica Rorić, Nenad Novaković i Milan Cvijetinović	Ivica Rorić, Ivan Pandžić i Boris Maksimović
Predsjednik Udruženja	Predsjednik Udruženja do 2020
Goran Simić	Goran Simić

2. Izjava o usklađenosti sa MSFI za MSP i osnova prezentacije finansijskih izvještaja

Izjava o usklađenosti sa MSFI za MSP

Finansijski izvještaji su pripremljeni u skladu sa Međunarodnim standardima finansijskog izvještavanja za mala i srednja preduzeća (MSFI za MSP). Smjernice za primjenu MSFI za MSP je dalo Federalno Ministarstvo finansija 26.01.2015. godine, te je Savez računovođa, revizora i finansijskih radnika FBiH preveo originalnu verziju MSFI za MSP iz 2015.godine, koja je objavljena na internet stranici Saveza i ista se primjenjuje danas.

Prelazak na MSFI za MSP je izvršen 01.01.2019. godine i nije imao efekte na finansijsku poziciju, finansijsku uspješnost i novčane tokove subjekta. Kolone prethodne i tekuće godine su usaglašene.

Razlog prelaska na MSFI za MSP je ušteda troškova.

Prilikom prelaska na MSFI za MSP Udruženje je primjenjivalo odredbe iz Odjeljka 35 ili 10 kako je i savjetovano u prelasku.

Osnove za pripremu finansijskih izvještaja

Udruženje vodi svoju knjigovodstvenu evidenciju i sastavlja računovodstvene iskaze u skladu sa Zakonom o računovodstvu i reviziji u FBiH („Službene novine FBiH“, broj: 83/09) i Međunarodnim standardima finansijskog izvještavanja za mala i srednja preduzeća (MSFI za MSP) koji se primjenjuju u FBiH.

Finansijski izvještaji prezentirani su u valuti Bosne i Hercegovine, Konvertibilna marka (KM). Konvertibilna marka (KM) je fiksno vezana za Euro (1 EUR = 1,95583 KM).

Finansijski izvještaji su pripremljeni u skladu s načelom neograničenosti vremena poslovanja.

3. Rezime značajnih računovodstvenih politika

Prihodi – Odjeljak 23

Ovaj Odjeljak treba primijeniti kod računovodstvenog tretmana prihoda koji nastaju na osnovu sljedećih transakcija i događaja: (a) prodaje proizvoda (bez obzira da li su proizvedeni radi prodaje ili su nabavljeni radi preprodaje), (b) pružanje usluga, (c) ugovora o izgradnji u kojim je subjekt izvođač radova, i (d) korištenja imovine subjekta od strane drugih, a čime se zarađuju kamate, tantijeme i dividende.

Subjekt prihod treba mjeriti po fer vrijednosti primljene naknade ili potraživanja. Kod utvrđivanja fer vrijednosti primljene naknade ili potraživanja uzima se u obzir iznos bilo kojih trgovačkih popusta, popusta za plaćanje odmah i količinskih rabata koje odobrava subjekt.

Prihodi uključuju samo bruto prilive primljenih ekonomskih koristi i potraživanja subjekta za njegov račun. Subjekt iz prihoda treba isključiti naplaćene iznose u ime trećih lica, kao što su porez na promet, porez na proizvode i usluge i porez na dodanu vrijednost. U zastupničkom odnosu, subjekt u prihod treba uključiti samo iznos svoje provizije za pružene usluge. Iznosi naplaćeni u ime nalogodavca nisu prihodi subjekta.

Nematerijalna imovina osim goodwilla – Odjeljak 18

Nematerijalna imovina je nemonetarna imovina bez fizičkih obilježja koja se može identificirati. Takva imovina se može identificirati kada je: (a) odvojiva, to jest ako se može odvojiti ili razlučiti od subjekta i prodati, prenijeti, licencirati, iznajmiti ili razmijeniti, pojedinačno ili zajedno s pripadajućim ugovorom, sredstvom ili obavezom, ili (b) proizlazi iz ugovornih ili drugih zakonskih prava, nezavisno o tome da li se ta prava mogu prenositi ili odvojiti od subjekta ili od drugih prava i obaveza.

Nematerijalna imovina početno se mjeri po trošku.

Subjekt treba mjeriti nematerijalnu imovinu po trošku umanjenom za akumuliranu amortizaciju i akumulirane gubitke od umanjenja.

Amortizacija se obračunava linearnom metodom po stopi od 33,3%, jer se radi o software-u.

Nekretnine, postrojenja i oprema – Odjeljak 17

Ovaj Odjeljak treba primijeniti kod računovodstvenog tretmana nekretnina, postrojenja i opreme i ulaganja u nekretnine čija se fer vrijednost ne može pouzdano mjeriti bez prekomjernih troškova i napora. Odjeljak 16 Ulaganje u nekretnine treba primijeniti na ulaganje u nekretnine čija se fer vrijednost može pouzdano mjeriti bez prekomjernih troškova i napora.

Nekretnine, postrojenja i oprema jesu materijalna imovina:

(a) koja se drži za korištenje u proizvodnji ili isporuci roba ili usluga, za iznajmljivanje drugima ili za administrativne svrhe, i

(b) koja se očekuje koristiti duže od jednog perioda.

Subjekt treba mjeriti predmet nekretnine, postrojenja i opreme po njegovom trošku prilikom početnog priznavanja.

Trošak pojedine nekretnine, postrojenja i opreme jednak je cijeni za plaćanje na datum priznavanja te imovine. Kada je plaćanje odgođeno preko uobičajenih kreditnih rokova, trošak je jednak sadašnjoj vrijednosti svih budućih plaćanja.

Subjekt bira ili model troška ili model revalorizacije kao svoju računovodstvenu politiku i primjenjuje tu politiku na cijelu klasu nekretnina, postrojenja i opreme. Subjekt primjenjuje model troška na ulaganja u nekretnine čija se fer vrijednost ne može pouzdano izmjeriti bez prekomjernih troškova ili napora. Subjekt priznaje troškove tekućeg održavanja stavke nekretnina, postrojenja i opreme u dobiti ili gubitku perioda u kojem su troškovi i nastali.

Subjekt je odabrao metod troška za mjeriti stavke nekretnina, postrojenja i opreme, nakon početnog priznavanja, po trošku umanjenom za akumuliranu amortizaciju i akumulirane gubitke od umanjenja.

Amortizacija imovine započinje kad je imovina spremna za upotrebu, tj. kad se nalazi na lokaciji i u uvjetima potrebnim za korištenje koje je namijenila uprava. Amortizacija imovine prestaje kada se sredstvo prestaje priznavati kao imovina. Amortizacija ne prestaje kad se imovina prestaje koristiti i povlači iz upotrebe, osim u slučaju ako je to imovina u potpunosti amortizirano.

Subjekt koristi proporcionalu linearnu metodu amortizaciju koristeći slijedeće stope amortizacije:

	stope amortizacije
Hardver i softver	33,33%
oprema i kancelarijski namještaj	12,50% - 16%

Dobitke ili gubitke koji proizlaze iz prestanka priznavanja pojedine nekretnine, postrojenja i opreme subjekt treba utvrditi kao razliku između neto iznosa primitaka od otuđenja, ukoliko postoje, i knjigovodstvene vrijednosti imovine.

Najmovi – Odjeljak 20

Najam se klasificira kao finansijski najam ako se prenose gotovo svi rizici i koristi povezani s vlasništvom.

Najam se klasificira kao poslovni najam ako se ne prenose gotovo svi rizici i koristi povezani s vlasništvom.

Da li je neki najam finansijski najam ili poslovni najam više zavisi o sadržaju transakcije nego o obliku sporazuma. Slijede primjeri koji pojedinačno ili kombinirano dovode do klasifikacije najma kao finansijskog najma:

- najmom se prenosi vlasništvo imovine na najmoprimca po završetku perioda najma.
- najmoprimac ima opciju kupiti imovinu po cijeni za koju se očekuje da će biti znatno niža od fer vrijednosti na dan kada se opcija može ostvariti tako da je na početku najma prilično izvjesno da će se opcija ostvariti.
- period najma pokriva veći dio ekonomskog vijeka sredstva, čak iako vlasništvo nije preneseno.
- na početku najma sadašnja vrijednost minimalnih plaćanja najma pokriva gotovo cjelokupnu fer vrijednost iznajmljene imovine.
- iznajmljena imovina posebne je prirode tako da ju samo najmoprimac može koristiti bez većih preinaka.

Ako je iz ostalih karakteristika razvidno da najam u većem dijelu ne prenosi sve rizike i koristi vezane za vlasništvo, najam se klasificira kao poslovni najam.

Na početku perioda najma finansijski najam treba priznati u izvještaju o finansijskom položaju najmoprimca kao imovinu i obaveze u iznosima jednakima fer vrijednosti iznajmljene nekretnine ili, ako je niže, po sadašnjoj vrijednosti minimalnih plaćanja najma, određenih na početku najma. Svi početni direktni troškovi najmoprimca (inkrementalni troškovi koji su direktno pripisivi pregovorima i dogovorima o najmu) dodaju se iznosu koji je priznat kao imovina.

Najmoprimac treba priznati plaćanja najamnine pod poslovnim najmom (osim troškova za usluge kao što su osiguranje i održavanje) kao rashod na pravolinijskoj osnovi, osim ako: (a) nema druge sistematske osnove koja predstavlja vremenski okvir koristi najmoprimca, čak iako plaćanja nisu na toj osnovi, ili (b) plaćanja najmodavcu su strukturirana tako da se linearno povećavaju u skladu sa očekivanom općom inflacijom (na osnovu objavljenih pokazatelja ili statistika) kako bi nadoknadili očekivana povećanja troškova kod najmodavca.

Finansijski instrumenti - Odjeljak 11 i odjeljak 12

Finansijski instrument je ugovor koji dovodi do nastanka finansijske imovine jednog subjekta i finansijske obaveze ili instrumenta kapitala drugog subjekta.

Odjeljak 11 zahtijeva model amortizovanog troška za sve osnovne finansijske instrumente osim ulaganja u nekonvertibilne povlaštene dionice i obične ili povlaštene dionice bez ponovnog otkupa od strane emitenta kojima se javno trguje ili čija se fer vrijednost može i drugačije pouzdano izmjeriti bez prekomjernih troškova ili napora.

Osnovni finansijski instrumenti uključuju:

(a) gotov novac,

(b) dužnički instrument (kao što su račun potraživanja i obaveza, potraživanje i obaveza po osnovu mjenica ili zajma) koji ispunjava uslove iz paragrafa

(c) obavezivanje za uzimanje zajma:

(i) koje se ne može izmiriti u novcu, i

(ii) od kojeg se očekuje da, kada se obaveza izvrši, zadovolji uslove iz paragrafa

(d) ulaganje u nekonvertibilne povlaštene dionice i obične ili povlaštene dionice bez obaveze ponovnog otkupa od strane emitenta.

Prevođenje stranih valuta – Odjeljak 30

Ove transakcije izražene su u konvertibilnim markama (KM) upotrebom kursne liste važeće na dan transakcije.

Subjekt evidentira transakcije u stranoj valuti, kod početnog priznavanja u funkcionalnoj valuti, tako što na iznos u stranoj valuti primjenjuje spot (promptni) devizni kurs između funkcionalne valute i strane valute na datum transakcije.

Na kraju svakog izvještajnog perioda subjekt treba: (a) prevesti monetarne stavke u stranoj valuti korištenjem zaključnog kursa; (b) prevesti nemonetarne stavke mjerene po istorijskom trošku u stranoj valuti, korištenjem kursa na datum transakcije i (c) prevesti nemonetarne stavke mjerene po fer vrijednosti u stranoj valuti, korištenjem kursa na datum kada je fer vrijednost određena.

Subjekt treba priznati, u dobiti ili gubitku perioda u kom su nastale, kursne razlike nastale po osnovicu izmirenja monetarnih stavki ili pri prevođenju monetarnih stavki po kursevima različitim

od onih po kojima je vršeno prevođenje kod početnog priznavanja tokom datog perioda ili u prethodnim periodima.

(ii) jedan subjekat je pridruženi subjekat ili zajednički poduhvat drugog subjekta (ili pridruženi subjekat ili zajednički poduhvat člana grupe u kojoj je drugi subjekat član).

(iii) oba subjekta su zajednički poduhvat istog trećeg subjekta.

(iv) jedan subjekat je zajednički poduhvat trećeg subjekta, a drugi subjekat je pridruženi subjekat trećeg subjekta.

4. Značajne računovodstvene procjene i pretpostavke

Kod primjene računovodstvenih politika opisanih u Poglavlju 3 Uprava donosi odluke, te daje procjene i pretpostavke koje utječu na iznose imovine i obaveza, a koje se ne mogu izvesti iz ostalih izvora. Procjene i pretpostavke zasnivaju se na ranijim i ostalim relevantnim faktorima. Stvarni iznosi mogu se razlikovati od procjenjenih.

Procjene i pretpostavke stalno se preispituju. Izmjene knjigovodstvenih procjena priznaju se u periodu izmjene ukoliko se odnose na taj period, ili u periodu izmjene i budućim periodima ukoliko utiču na tekući i buduće periode.

Ključni izvori procjene neizvjesnosti

Sljedeće su ključne pretpostavke koje se odnose na finansijske izvještaje

Vijek trajanja opreme

Kao što je opisano u Poglavlju 3 Uprava pregleda procjenjeni vijek trajanja opreme na kraju svakog godišnjeg izvještajnog perioda.

Rezervisanja

Rezervisanja se priznaju ako Udruženje trenutno ima pravnu ili izvedenu obavezu kao posljedicu događaja iz prethodnih perioda i ako postoji vjerovatnoća da će morati podmiriti navedenu obavezu. Iznos priznat kao rezervisanje je najbolja procjena iznosa potrebnog za podmirenje obaveze na dan bilansa stanja, uzevši u obzir rizike nesigurnosti vezane za obavezu.

Bilješke uz finansijske izvještaje**Bilješka 1 Prihodi od vlastite aktivnosti**

	<u>31.12.2019.</u>	<u>31.12.2020.</u>
1. Prihodi od naknada za fotokopiranje 2020	0	79.233
2. Prihodi od naknada za fotokopiranje 2019	0	142.849
3. Prihodi od naknada za fotokopiranje 2018	0	52.839
Ukupno	0	274.921

Udruženje kao kolektivna organizacija, u skladu sa Zakonom o kolektivnom ostvarivanju autorskog i srodnih prava u Bosni i Hercegovini (Službeni glasnik BiH 63/10) obavlja djelatnost kolektivnog ostvarivanja autorskog prava u svoje ime, a za račun autora. Udruženje prikuplja naknade za korištenje autorskih prava iz repertoara autora i izdavača pisanih djela.

Visina i način izračunavanja naknade koje pojedini korisnik mora da plati kolektivnoj organizaciji za korištenje autorskog djela iz njenog repertoara određena je tarifom, a prema Odluci Vijeća Ministara BiH o iznosima naknada za reproduciranje za privatnu i drugu vlastitu upotrebu autorskih djela i predmeta srodnih prava (Službeni glasnik BiH 77/11) članovi 6 i 7.

Korisnici Udruženja su:

1. uvoznici novih uređaja za fotokopiranje, nezavisno od toga da li se radi o uređajima namijenjenim isključivo za fotokopiranje, ili o uređajima koji, pored drugih funkcija, omogućuju i fotokopiranje, određuje se u zavisnosti od mogućnosti izrade broja kopija u minuti, te
2. fotokopirnice čija naknada se određuje od broja izrađenih fotokopija namijenjenih za prodaju fizičkim licima.

Korisnik i Udruženje su obavezni na osnovu potpisanog ugovora poštovati odredbe ugovora; uvoznici (njih 7) kvartalno dostavljati pregled uvezenih uređaja, a fotokopirnice (njih 33 na 31.12.2020.) mjesečno broj izrađenih kopija. Na osnovu dostavljenih podataka Udruženje fakturiše s PDV-om naknade. Na prihodu su prikazane naknade bez PDV-a.

Za 2020.godinu Udruženje je fakturiralo 79.233,01 KM bez PDV-a (92.702,62 KM sa PDV-om) korisnicima sa kojima ima ugovore.

Udruženje prikuplja naknade u svoje ime, a za račun autora od 2018.godine, nakon dozvole Instituta za intelektualno vlasništvo BiH. U prethodne dvije godine cjelokupno fakturirani iznos je evidentiran kao obaveza Udruženja (bilješka 13) prema modelu da kada Udruženje prvi put bude isplaćivalo autorima i izvođačima njihove naknade, da će te obaveze biti oprihodovane, a prema principu sučeljavanja prihoda i rashoda. Do kraja 2019.godine, Udruženje nije znalo iznos za raspodjelu.

Odatle na prihodima 2020.godine i prihod za 2019 i 2018.godinu, jer se u 2020.godini desila prva isplata naknada ka autorima i izdavačima. Udruženje je postupilo prema preporukama Instituta i evidentiralo sve u prihode ove godine.

Bilješka 2 Ostali prihodi

Udruženje je naplatilo 600 KM na ime pokrenutih sudskih sporova.

Bilješka 3 Poslovni rashodi

	<u>31.12.2019.</u>	<u>31.12.2020.</u>
1. Materijal i energija	2.136	741
2. Usluge	27.316	20.499
3. Plaće i ostala primanja	31.388	32.858
4. Putni troškovi	1.497	1.366
5. Amortizacija	5	2.386
6. Finansijski rashodi	2.700	1.594
7. Humanitarni rashodi	0	0
8. Porezi i doprinosi koji ne zavise od rezultata	351	336
9. Ostali rashodi	6.439	17.407
Ukupno	<u>71.832</u>	<u>77.187</u>

Udruženje iz fakturiranih naknada korisnicima ima pravo pokriti troškove poslovanja neophodne za obavljanje djelatnosti kolektivne organizacije. Troškovi poslovanja ne bi smjeli biti veći od 30% ukupnih prihoda Udruženja (Pravilnik o načinu i formi ispunjavanja uslova za davanje dozvole pravnim licima za obavljanje poslova kolektivnog ostvarivanja autorskog i srodnih prava, Službeni glasnik BiH 44/2011), osim ako ih Skupština Udruženja ne prihvati kao takve. Zbog pandemije COVID 19 je nastala veća neravnoteža između prihoda i troškova, jer su troškovi ostali fixni, a prihod se smanjivao, smanjenim obimom rada fotokopirnica i uvoznika, a što je tržište diktiralo.

Ako iz rashoda izuzmemo isplate naknada koje su prikupljene u prethodne dvije godine (ukupno 14.259 KM), rashodi za 2020.godinu iznose 62.928 KM. U tom slučaju troškovi iznose 79,42%, jer se poredi samo sa prihodom za 2020.godinu.

3.1. Materijal i energija

	<u>31.12.2019.</u>	<u>31.12.2020.</u>
1. Kancelarijski materijal	434	226
2. Materijal za održavanje čistoće	1.202	65
3. Troškovi grijanja	500	450
Ukupno	<u>2.136</u>	<u>741</u>

3.2. Usluge

	<u>31.12.2019.</u>	<u>31.12.2020.</u>
1. Usluge prevoza	117	70
2. Usluge održavanja opreme	108	144
3. Zakupnina za poslovni prostor	5.867	5.867
4. Usluge reprezentacije	2.469	472
5. Bankarske usluge	554	555
6. Telekomunikacione usluge i usluge pošte	1.334	971
7. Advokatske usluge	7.244	5.557
8. Usluge revizije	4.719	2.800
9. Usluge računovodstva	3.100	3.450

10. Ostale usluge	1.804	613
Ukupno	27.316	20.499

3.3. Plaće i ostala primanja

	<u>31.12.2019.</u>	<u>31.12.2020.</u>
1. Troškovi neto plaća	18.000	18.000
2. Troškovi poreza i doprinosa na plaću	13.388	13.388
3. Topli obrok	0	1.470
Ukupno	31.388	32.858

3.4. Amortizacija

	<u>31.12.2019.</u>	<u>31.12.2020.</u>
1. Amortizacija postrojenja i opreme	1.121	967
2. Amortizacija namještaja	375	380
3. Amortizacija nematerijalnih sredstava	0	19
Ukupno	1.497	1.366

3.5. Finansijski rashodi

	<u>31.12.2019.</u>	<u>31.12.2020.</u>
1. Rashodi kamata na pozajmicu	5	2.386
Ukupno	5	2.386

Udruženje je u periodu uspostavljanja poslovanja kolektivne organizacije obezbjeđivalo novčana sredstva kroz pozajmice (bilješka 10). Kamata se obračunava samo kada se radi isplata/povrat pozajmice. Udruženje planira povrat pozajmica i pripadajuće kamate iz prikupljenih naknada, zbog čega i ne uzima u raspodjelu sve prikupljene naknade.

3.6. Putni troškovi

	<u>31.12.2019.</u>	<u>31.12.2020.</u>
1. Troškovi prevoza na službenom putovanju u zemlji	20	789
2. Dnevnice u zemlji	25	300
3. Troškovi prevoza i noćenja na službenom putovanju ino	804	490
4. Dnevnice u inostranstvu	1.500	0
5. Ostali troškovi službenog putovanja	351	15
Ukupno	2.700	1.594

3.7. Humanitarni rashodi

Udruženje ne ostvaruje humanitarne rashode.

3.8. Porezi i doprinosi koji ne zavise od rezultata

Udruženje uplaćuje obvezne dodatne naknade za platu uposlenog i za dvanaest (12) mjeseci 2020.godine iznose 336 KM.

3.9. Ostali rashodi

	<u>31.12.2019.</u>	<u>31.12.2020.</u>
1. Članarina IFRRO	1.653	1.750
2. Isplate autorima i izdavačima	0	14.259
3. Naknade po osnovu ugovora o djelu	3.373	1.389
4. Ostali troškovi	1.413	9
Ukupno	<u>6.439</u>	<u>17.407</u>

Svi članovi Udruženja Original, kao i autori i nosioci prava pisanih djela u Bosni i Hercegovini, te izdavači pisanih djela, trebaju prijaviti svoja djela u bazu podataka (jedinstveni repertoar za BiH), jer je to potrebno za raspodjelu prikupljenih naknada za privatnu i drugu vlastitu upotrebu djela.

Raspodjela naknada se vrši u skladu sa Zakonom, Statutom Udruženja, usvojenim Pravilnikom o raspodjeli od 12.12.2018.godine i izmjenama Pravilnika od 19.06.2020.godine, te Godišnjem planu raspodjele od 20.12.2019. i 19.06.2020.godine.

Naknada ostvarena na osnovu prava na naknadu za privatnu i drugu vlastitu upotrebu, koja se prema zakonu kojim se uređuju autorsko pravo i srodna prava plaća od prve prodaje ili uvoza novih uređaja za fotokopiranje i od izrađenih fotokopija namijenjenih za prodaju, dijeli se između autora i izdavača u omjeru 50:50.

Tokom 2020.godine Udruženje je izvršilo isplate autorima i izdavačima pisanih djela prikupljene naknade kroz kolektivno ostvarivanje prava. Ukupni iznos za raspodjelu za period 2013-2019 je bio 60.000 KM prema Odluci Skupštine od 20.12.2019. i korekcije od 19.06.2020.godine. Isplaćuju se prikupljene naknade iz 2018 i 2019.godine.

Prema Godišnjem planu raspodjele prikupljenih naknada za 2018. i 2019.godinu (usvojena na Skupštini 20.12.2019.godine) i Odluke o usvajanju korekcija Godišnjeg plana raspodjele za 2018. i 2019.godinu (usvojena na Skupštini 19.06.2020.godine) raspodjela autorskih naknada u prvoj raspodjeli (2018/2019) se vrši prema principima objektivne dostupnosti djela i proporcionalne raspodjele.

Donja granica za isplatu autorima je bilo 25 KM bruto u raspodjeli i od ukupnog broja autora (7.583) 62 autora su stekla uslove da im naknada bude isplaćena u 2020.godini u ukupnom iznosu od 13.139 KM.

Donja granica za isplatu izdavačima je bilo 50 KM u raspodjeli i od ukupnog broja izdavača (1.686), kvalifikovano za isplatu je 52 u ukupnom iznosu od 19.400 KM.

Kako svi autori i izdavači nisu bili dostupni za isplatu tokom 2020.godine, zbog raznih razloga, Udruženje je ukupno isplatilo samo manji dio od 14.259 KM (bez PDV-a), od čega:

1. Autorima 266 KM (njih 7)
2. Izdavačima 13.993 KM bez PDV-a (njih 19)

Ukupno je isplaćeno 16.392,44 KM sa PDV-om koji je fakturisan od Izdavača.

Bilješka 4 Višak prihoda

Udruženje je za 2020.godinu iskazalo višak prihoda u iznosu od 198.334 KM, jer je u bilješci 1 objasnilo evidentiranje prihoda prethodnih i tekuće godine.

Bilješka 5 Stalna materijalna i nematerijalna sredstva

Udruženje nije imalo nabavki stalnih materijalnih sredstava tokom godine.

Udruženje ima unajmljeni poslovni prostor za jednu poslovnu kancelariju u zgradi Tvornice čarapa „Ključ“ d.o.o. Sarajevo u ulici Trampina 4, površine 28,60m².

Udruženje je razvilo sopstvenu bazu podataka svih autora i nosioca prava pisanih djela u Bosni i Hercegovini, te izdavača pisanih djela tokom 2020.godine. Cilj baze je jedinstveni repertoar za BiH i pravedna raspodjela prikupljenih naknada za privatnu i drugu vlastitu upotrebu djela.

Struktura i kretanje stalnih materijalnih i nematerijalnih sredstava tokom godine:

Nabavna vrijednost

	Nematerijalna sredstva	Oprema	Kancelarijski namještaj	Ukupno
Stanje 1.01.2020	0	3.857	3.040	6.897
Nabavke u 2020	2.091	0	0	2.091
Prodaja, rashod	0	0	0	0
Stanje 31.12.2020	2.091	3.857	3.040	8.989

Akumulirana amortizacija

	Nematerijalna sredstva	Oprema	Kancelarijski namještaj	Ukupno
Stanje 1.01.2020	0	2.422	697	3.119
Amortizacija u 2020	19	968	380	1.367
Prodaja, rashod	0	0	0	0
Stanje 31.12.2020	19	3.390	1.077	4.486

Sadašnja vrijednost

	Nematerijalna sredstva	Oprema	Kancelarijski namještaj	Ukupno
Stanje 1.01.2020	0	1.435	2.343	3.778
Stanje 31.12.2020	2.072	468	1.963	4.503

Bilješka 6 Novac i novčani ekvivalenti

	<u>31.12.2019.</u>	<u>31.12.2020.</u>
1. Račun UniCredit bank d.d. Sarajevo – KM	102.259	42.934
2. Račun UniCredit bank d.d. Sarajevo – rezervisano za podjelu	0	37.822
3. Račun UniCredit bank d.d. Sarajevo – iznos za strana društva	0	3.000
4. Račun UniCredit bank d.d. Sarajevo – iznos za rezervacije	0	3.000
5. Račun UniCredit bank d.d. Sarajevo – EUR	586	452
Ukupno	<u>102.845</u>	<u>87.208</u>

Udruženje je tokom 2020.godine podjelo 16.392,44 KM, a distribuciona masa je iznosila 60.000 KM. Sredstva koja nisu isplaćena su rezervisana i posebno evidentirana, u skladu s Pravilnikom o raspodjeli.

Bilješka 7 Kratkoročni plasmani i potraživanja

	<u>31.12.2019.</u>	<u>31.12.2020.</u>
1. Potraživanja od prodaje	5.066	14.140
Ukupno	<u>5.066</u>	<u>14.140</u>

Udruženje fakturiše mjesečno i kvartalno korisnicima naknadu u iznosu utvrđenoj u Odluci Vijeća Ministara BiH. Korisnici koji su potpisali ugovor dostavljaju mjesečno i kvartalno propisane obrasce Udruženja potvrđujući tačnost i ispravnost dostavljenih podataka. Nakon zaprimljenih Izvještaja, Udruženje izdaje račune ka korisnicima. Na dan 31.12.2020.godine najveći iznos potraživanja (9.652 KM) se odnosio na korisnika Avtera BH d.o.o.

Tokom 2020.godine Udruženje je ukupno fakturisalo sa PDV-om 92.702 KM, a naplatilo je 83.627 KM sa PDV-om.

Bilješka 8 Ulazni porez

	<u>31.12.2019.</u>	<u>31.12.2020.</u>
Potraživanje za PDV za koje se još nisu stekli uslovi		
1. priznavanja	39	17
Ukupno	<u>39</u>	<u>17</u>

Bilješka 9 Trajni izvori

	<u>31.12.2019.</u>	<u>31.12.2020.</u>
1. Neraspoređen višak prihoda	0	32.742
2. Neraspoređen višak rashoda	165.592	0
Ukupno	<u>165.592</u>	<u>32.742</u>

Udruženje je tokom 2020.godine imalo pozitivnu razliku rashoda (77.187 KM) i prihoda (275.521 KM) u iznosu od 198.334 KM. U obračunu je Udruženje odmah iskazalo neto iznos viška prihoda (32.742 KM) u trajnim izvorima, poredeći višak rashoda prošlih godina (165.592 KM), a koji je nastao zbog razloga navednih u Bilješci 1, sa viškom prihoda tekuće godine.

Bilješka 10 Dugoročne finansijske obaveze

	<u>31.12.2019.</u>	<u>31.12.2020.</u>
1. Obaveze za pozajmicu Rorić Ivica	10.000	5.000
2. Obaveze za pozajmicu Buybook d.o.o. Sarajevo	18.500	13.500
3. Obaveze za pozajmicu Nova Dječja knjiga d.o.o.	50.000	50.000
Ukupno	<u>78.500</u>	<u>68.500</u>

Na dan 31.12.2020.godine Udruženje je imalo dugoročne finansijske obaveze prema:

1. Ugovor o pozajmici sa gđin Ivica Rorić od 7.11.2016.godine na iznos od 10.000 KM s rokom povrata 7.11.2019.godine i kamatnom stopo, 5% godišnje. Udruženje je izvršilo povrat 5.000 KM tokom 2020.godine.
2. Ugovorima o pozajmicama s Buybook d.o.o. Sarajevo: od 03.03.2017.godine na 5.000 KM i rokom povrata 03.03.2020.godine i kamatnom stopom od 5% godišnje, 07.10.2017. na 5.000 KM i rokom povrata 07.10.2020.godine, te kamatnom stopom 5%, te ugovor od 20.07.2018. na 3.500 KM s rokom 20.07.2020. godine i 5% k.s.
3. Ugovor o pozajmici sa Nova Dječja knjiga d.o.o. Sarajevo od 24.2.2017.godine na iznos od 50.000 KM s rokom povrata 31.12.2020.godine i kamatnom stopom od 11,29% godišnje.

Ovu bilješku čitati zajedno s Bilješkom 3.5.

Kamata se obračunava po otplati pozamice.

Bilješka 11 Kratkoročne obaveze

	<u>31.12.2019.</u>	<u>31.12.2020.</u>
1. Obaveze prema dobavljačima	53	0
2. Obaveze prema zaposlenima	1.601	1.601
3. Obaveze za poreze i doprinose	1.142	1.142
Ukupno	<u>2.796</u>	<u>2.744</u>

Bilješka 12 Obaveze za PDV

	<u>31.12.2019.</u>	<u>31.12.2020.</u>
1. Primljeni avansi, depoziti i kaucije	336	1.882
Ukupno	<u>336</u>	<u>1.882</u>

Bilješka 13 Kratkoročna razgraničenja i rezervisanja

	<u>31.12.2019.</u>	<u>31.12.2020.</u>
1. Fakturisane naknade korisnica u 2018 i 2019. godini	198.688	0
Ukupno	<u>198.688</u>	<u>0</u>

Udruženje je od početka rada s Dozvolom instituta za intelektualno vlasništvo BiH evidentiralo cjelokupnu fakturisanu naknadu korisnicima u odložene prihode, dok se naknade autorima i izdavačima ne budu isplaćivale. Kako su naknade prvi puta isplaćene u 2020. godini, te je Institut za intelektualno vlasništvo BiH na zadnjoj kontroli rada Udruženja savjetovao da se evidentiraju prihodi od vlastite aktivnosti, Udruženje je cjelokupan iznos ranije razgraničenih prihoda evidentiralo u prihode.

Bilješka 14 Sudski sporovi

Prema izjavi Uprave protiv Udruženja se ne vodi sudski postupak.

Udruženje vodi, putem advokatskog društva, dva sudska spora: protiv PRINTEX d.o.o. Sarajevo (v.s. 9.000 KM) i COMTRADE DISTRIBUTION d.o.o. Sarajevo (v.s. 30.001 KM) radi zaštite prava i naknade štete.

Udruženje također vodi i vansudske sporove sa više uvoznika i fotokopirnica koji negiraju da ispunjavaju obavezu plaćanja naknade koju Udruženje prikuplja, putem opomena ili naloga za inspekciju provjeru. Zakonom o kolektivnom ostvarivanju autorskog i srodnih prava propisane su novčane kazne za prekršaje koje korisnici učine prema Udruženju. Inspekcijski nadzor u vezi s prekršajima provodi inspekcija nadležna za kontrolu tržišta posebno u FBiH, RS i BD.

Pokretanjem sudskih i vansudskih sporova Udruženje nastoji obazbjediti što veći broj obveznika plaćanja naknade i time povećati bazu za rasprodjelu.

Bilješka 15 Događaji nakon datuma bilansa

Prema Izjavi Uprave, nije bilo značajnih događaja nakon datuma bilansa, a da isti nisu objavljeni ili obuhvaćeni izdanim finansijskim izvještajima, osim pandemije COVID 19 koja je utjecala na cjelokupnu 2020. godinu.

11. marta 2020. godine Svjetska zdravstvena organizacija proglasila je izbijanje koronavirusa (COVID-19) pandemijom, te je Vijeće Ministara Bosne i Hercegovine proglasilo stanje nesreće 17. marta 2020. godine koje je bilo na snazi do 31. maja 2020. godine. Odgovarajući na potencijalno ozbiljnu prijetnju koje pandemija COVID 19 predstavlja javnom zdravstvu, vlade na svim nivoima vlasti Bosne i Hercegovine su poduzele mjere na suzbijanju pandemije, uključujući ograničavanje kretanja ljudi. Neke kompanije u BiH su također dale upute zaposlenicima da ostanu kod kuće te smanjile ili privremeno obustavile poslovanje. Pandemija se nastavila i danas.

Šire ekonomske posljedice ovih događaja uključuju:

- Poremećaje u poslovanju i privrednim aktivnostima u BiH, s kaskadnim utjecajem na uzvodni i nizvodni lanac snabdjevanja;
- Značajan poremećaj za preduzeća u određenim sektorima, kako unutar BiH, tako i na tržištima koja imaju visoku ovisnost o inostranom lancu opskrbe, kao i izvozno orjenitarnim kompanijama koje su se značajno oslanjale na strana tržišta (trgovina, prevoz, turizam, zabava, proizvodnja, građevinarstvo, maloprodaja, obrazovanje, finansijski sektor)

- Značajan pad potražnje za neesencijalne proizvode i usluge
- Povećanje ekonomske nesigurnosti, odraženo na nestabilnim cijenama imovine i valutnim kursovima

U ovoj fazi izbijanja pandemije, visok nivo neizvjesnosti zbog nepredvidivog ishoda ove bolesti, otežava Upravi procjene finansijskog učinka izbijanja pandemije na naredne godine, dok je 2021.godina uveliko zahvaćena negativnim utjecajem pandemije.

Pandemija je negativno utjecala i na prikupljanje prihoda Udruženja, onemogućila je sazivanje druge redovne Skupštine, te usvajanje bitnih odluka za Udruženje (npr. finansijski plan za 2021). Prihodi su smanjeni zbog obustave rada fotokopirnica i smanjenog uvoza zbog pandemije, dok su troškovi ostali fixni i na minimalno potrebnom nivou za normalan rad Udruženja.